

**Royal Greenland A/S-p aamma SIK akornanni Isumaginninnermut
anigaasaateqarfik pillugu isumaqatigiissut****§ 1**

Royal Greenland A/S isumaqatigiissut naapertorlugu sulisup ataatsip nalunaaquttap akunneranut suliffigisaanut ataatsimut, Isumaginninnermut Anigaasaateqarfimmut illuatungeriit pilersitaanut, 45 oorit akilertassavai.

Imm. 2. Akiliut ullut 14-ikkaarlugit anigaaserivimmumut SIK-p toqqagaanut akilerneqartassaaq.

§ 2

Isumaginninnermut Anigaasaateqarfiup siunertaraa SIK-mi ilaasortat, Royal Greenland A/S-mi aamma taassuma suliffeqarfinni pigisaani sulisuusut, anigaasatigut tapiiffigisarnissaat, ilaasortaq nammineq napparsimalerpat imaluunniit qanigisai napparsimalertillugit – aamma tassani pineqarpoq sulisitsisoq isumaqatigiissut naapertorlugu tapiissuteqarnissaminut pisussaaffeqanngippat. Taamatuttaaq anigaasaateqarfimmut siunertaavoq ilaqtutanik qanigisanik toqukkut qimagussimasunik angerlarnissaannut assartuinissaq kiisalu isarussanik pisaarnissamut tapiissuteqarnissaq. Isumaginninnermut Anigaasaateqarfik napparsimanermi imatut pisoqartillugu tapiissuteqarsinnaavoq:

- 1) Sulisoq nammineq napparsimalerpoq aamma kissaatigalugu qanigisani namminerminut ingiallortaassasoq nammineq napparsimavimmumut unitsinneqarnerminut atatillugu il. II.
- 2) Sulisumut qanigisaasoq napparsimalersimavoq kiisalu sulisup kissaatigaa qanigisaminut ingiallortaanissaq qanigisap napparsimavimmumut unitsinneqarneranut atatillugu il. II.

Imm. 2. Ilaquttat qanigisat tassaapput angajoqqaat, katissimallugu aapparisaq, inooqatigisat (sivikinnerpaamik angerlarsimaffimmi ataatsimi ukiumi ataatsimi), qitornat aammattaaq qatanngutit.

Imm. 3. Napparsimanermut atatillugu anigaasaateqarfiup tapiissuteqarnissaa aalajangerneqartussanngorpat, Namminersorlutik Oqartussat nappaatit peruluutaasut aamma/imaluunniit toqusut

aamma ilisaatut pillugit maleruaqqusaani, ilanngussaq 2-miittut, nappaatit aallaavigineqassapput. Taamaattorli nappaassuaq kræfti nakorsamit paasineqartoq tamatigut Isumaginninnermut Aningaasaateqarfimmit ikiorserneqarnissamik pisinnaatitaaffiuvoq.

§ 3

Isumaginninnermut Aningaasaateqarfimmut tapiissutisinarluni qinnuteqaateqarnissamut periarfissat tulliuttut tassaapput:

- a) Sulinermi akissarsiassaraluit annaasat
- b) Kalaallit Nunaanni imaluunniit Danmarkimi hotelimi ineqarneq
- c) Angalanermut aningaasartuutut Kalaallit Nunaanni namminermi timmisartumut aamma umiarsuarmut billetit imaluunniit Danmarkimut timmisartumut billetit kiisalu rejsekortimut akiliutit
- d) Ilaquttap qanigisap toqukkut qimagussimasut Kalaallit Nunaanni namminermi angerlarsimaffianut angallanneqarnera, taamatuttaaq Danmarkimit Kalaallit Nunaannut
- e) Isarussanik pisaarnermut imaluunniit nutaanik taarsiinermit, tassunga ilaapput qitornat 18-init inorlugit ukioqartut.

Imm. 2. Isumaginninnermut Aningaasaateqarfik sulinermi akissarsiassaraluanut annaasanut annerpaamik tapiissuteqarsinnaavoq qaammammi ataatsimi aningaasarsiatut annertussuseqartunik. Taamaattorli nappaassuaq kræfti pineqarpat sulinermi akissarsiassaraluanik qaammatit marluk angullugit ikiorsiisoqarsinnaavoq.

Imm. 3. Angalanermut aningaasartuutit pineqartillugit timmisartumut imaluunniit umiarsuarmut billetinut tapiiffigineqarnissamut periarfissaq tassaavoq qitornap ataatsip imaluunniit qitornat arlallit 18-it inorlugit ukioqartut qinnuteqaateqartumut/qanigisamut angalaqataanissaannut - tassani taamaattoqanngippat qitornaq/qitornat angerlarsimaffimmi kisimiittussanngussallutik.

Imm. 4. Isarussanik pisaarnissamut tapiissutigineqarsinnaasoq tassaavoq isarussat akiisa 85 %-at angullugu, taamaattorli tapiissutip annerpaaffissaa tassaalluni 2.975 kr.

Siullermik isaruartaarnermut imaluunniit isarussat sakkortussusiat minnerpaamik 0,5-imik allan-

ngorneranni taamaallaat tapiissuteqartoqarsinnaavoq. Taamaattorli qinnuteqaateqartup qitornaanut ukiut marlukkaarlutigit isaruartaarnermut tapiissuteqartoqarsinnaavoq, qitornaq 0-12-it akornanni ukioqartillugu, kiisalu ukiut pingasukkaarlugit qitornaq 13-17-it akornanni ukioqartillugu.

Isarussanut qarasaasiap skærmianik isiginninnermut iluaqutissiisunut sulitilluni atorineqartussanut pisaarnermut tapiissuteqartoqarsinnaangilaq.

§ 5

Isumaginninnermut Aningaasaateqarfimmut ikiorserneqarnissamut qinnuteqaateqarnermut atatilugu immikkut immersugassaq atorineqassaaq. Qinnuteqaat SIK-mut nassiunneqassaaq.

Imm. 2. SIK-p Allattoqarfiata Isumaginninnermut Aningaasaateqarfimmi allaffissornikkut suliassat isumagisarai aamma qinnuteqaatinik tiguneqartunit siulersuisunut inassuteqaatit suliarisarlugit. Tamatuma kingornatigut siulersuisut sapinngisamik piaarnerpaamik qinnuteqaatit isummerfigisarpaat.

§ 6

Aningaasaateqarfik siulersuisunit marlunnik ilaasortaqaartumik aqunneqarpoq, taakkunannga ataa-seq SIK-mit toqqarneqartarpoq aamma Royal Greenland ataatsimik toqqaasarpoq. Siulersuisut siulittaasuat, taasinerit amerlaqatigiitsillugit taasineri aalajangiisuusartoq, SIK-mit toqqarneqartarpoq.

Imm. 2. Siulersuisut pisariaqartitsisoqarnera naapertorlugu sukumiinerusumik maleruaqqusalior-sinnaavoq Isumaginninnermut Aningaasaateqarfimmit qaqugu aamma qanoq tapiissuteqartoqartarnissaanut tunngatillugu. Taamatuttaaq siulersuisut pisariaqartitsisoqarnera naapertorlugu siulersuisut suliarisassaannut tunngatillugu suleriaasissamik aalajangersaasinnaavoq.

§ 7

Siulersuisut ukiut tamaasa naatsorsuusiortarput aamma ukiumoortumik nalunaarusiortarlutik. Ukiumoortumik naatsorsuutit qaammatisiutit ukiuat malippaat. Naatsorsuutit aamma ukiumoortumik

nalunaarusiaq ukiup siulianut tunngasut kukkunersiorneqarsimasut aamma akuerineqarsimasut, ukiut tamaasa kingusinnerpaamik maajip aallaqqaataani SIK-mut aamma Royal Greenland A/S-mut nassiunneqartassapput.

§ 8

Isumaqatigiissutit nutarterneqarnerannut atatillugu aningaasaateqarfimmut akileeqataassuteqar-
tarneq pillugu isumaqatigiissuteqartoqanngippat taava taassuma ingerlatsinini ingerlatiinnassa-
vaa, taamaattoqarnissaanut suli aningaasassaqaqallartillugu. Tamatuma kingornatigut aningaa-
saateqarfik atorunnaarsinneqassaaq nalinginnaasumik naatsorsuutit aamma nalunaarusiap saq-
qummiunneqarneratigut.

§ 9

Isumaqatigiissut manna isumaqatigiissutip isumaqatigiissutigineqarneranut atatillugu atuutilerpoq.
Isumaginninnermut Aningaasaateqarfik pillugu illuatungeriit siornatigut isumaqatigiissutigisima-
saat isumaqatigiissummik matuminnga taarserneqarput.

Nuuk, ulloq 19/6-2019

Sulinermik Inuussutissarsiteqartut Kattuffiat

Atsiorneqarpoq

Royal Greenland A/S

Atsiorneqarpoq